

JUANA MORTO LO WORDE CONVERTI DEN UN ZONA RESIDENCIAL

ORANJESTAD(AAN) — Ministro di Asuntonan Economico, Tico Croes, a duna un splicacion di e plan di ehecusion di Plan Sasaki.

E mandatario a splica cu ta asina leu cu por introduci e 9 categorica di proyectonan cu lo bay worde ehecuta na San Nicolas.


Durante 1 aña a traha ariba diseño di e Plan Sasaki. E plan aki a worde presenta aña pasa na Augustus - September na publico di Aruba. A duna e oportunidad pa habitantenan di San Nicolas y vecindario sugeri adaptacion of cambionan ariba e plan.

E plan mes ta consisti di mas di 30 proyecto. Diamars Consejo di Ministro a tuma un decision ariba e promer 9 proyectonan cu lo bay cuminsa worde ehecuta dentro di un luna.

E mandatario a splica cu e intension ta cu lo cuminsa e ehecusion den forma paralelo cu e plannan aki y den un periodo di 2 pa 3 aña nan lo keda finalisa.

E proyectonan aki ta varia di e proyecto na Savaneta te cu na San Nicolas. Den esakinan ta solamente proyectonan cu ta involvi capital di sector publico. No ta inclui e proyectonan di sector priva. A worde splica cu den e 30 proyectonan, tin diferente di sector priva pero awor lo cuminsa cu esnan di sector publico.

E masterplan ta cla y dentro di dos siman e lo bay Parlamento pa asina gobierno haya e sosten necesario pa



San Nicolas Master Plan & Historic Sites Assessment

Government of Aruba

Sasaki Associates, Inc.

June 1995

Juana Morta House

cu e proyectonan aki.

E expertonan encarga cu Sasaki Plan a splica cu e Plan Sasaki pa cu San Nicolas cu ta consisti di 12 proyecto parti rond di henter e comunidad pariba di brug. E formulacion di plan ta

basa ariba e necesidad cu ta existi den e barionan.

E 12 proyectonan aki ta cuminsa na Savaneta y ta sigui bay pa Cura Cabay, Brazil, San Nicolas, Juana Morto, Seroe Colorado, e parque nacional na Arikok y

un parque di recreo na San Nicolas.

A worde muestra cu lo no cuminsa cu un proyecto so sino lo cuminsa di diferente na e mesun momento.

E promer proyecto den Savaneta lo ta e pool olimpico. A diseña un modelo pa Savaneta pa asina e inversion den e pool ta bay coordina cu e desaroyo di casnan nobo y mas laat un facilidad di recreacion.

Ta ser calcula cu na October 1998 e pool olimpico lo ta cla.

200 CAS

E otro proyecto ta e construcion di 200 cas na Juana Morto. Esaki lo bay ta den vecindario directo di Kustbaterijen.

DOW lo bay ta encarga cu ehecusion di e infraestructura mientras cu FCCA y otro gruponan lo ta encarga cu construcion di e casnan.

A establece condicionnan pa asina por construi casnan den e proximo 10 añanan te


niendo cuenta cu e medio ambiente. Lo cuminsa promer cu construcion di e caminda sigui cu e parque y despues e construcion di e casnan.

Banda di esaki tambe tin e "verkevelingsplan" di "de Vuist" cu tambe ta encera un cantidad di lote pa cas. Ta ser calcula cu pa otro aña den luna di Maart, e caminda y e parque lo ta cla.

E parti mas bunita di e plan pa Juana Morto ta e parque y cancha deportivo banda di e ruinan di e cañon di segunda guerra mundial.

E diseñonan pa e bario aki, ta worde considera como modelo pa otro barionan caminda lo converti e bario existente den uno cu ta mas completo cu facilidadnan basico necesario.

E cayan y e diferencianan di altura di tereno ta duna oportunidad pa remodelacion di e tereno. E zona aki seguramente lo bay bira uno residencial caminda profesionalnan local, etc. lo bay establece nan mès.



E epidemia di e malesa "baca loco" cu ta afecta animalnan Britanico, ta paralizand e exportacionnan di carni di Gran Bretaña, boycotea pa decenas di pais rond mundo.